

مجله علمی و ادبی

مطبعه و محل اداره :

جفال اوغلنده امنیت
سندوفی جوارنده
شنگول یقوشنده
۲۲ نومرو

سلکمه موافق آثار
جدیده مع الممنونه
قبول اولنور

درج ایدلهین آثار اعاده اولنور

دیر ، فلسفه ، علوم ، حقوق ، ادبیات تاریخ ، سیاسیات و بالخاصه احوال و مشوره اسلامیه بحث ایدر و هفته ده بر نشر اولنور .

صاحب و مؤسسلری :

آبونه بدلی

در سعادتده نسخہ سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

سنه لکی	التی آیلدی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

قیرلهدن مقوا بورو ایله کوندریلیسه سنوی
۲۰ غروش فضله آلنیر

۱۰ تموز ۳۲۴

یدنجی جلد

۱۹ شوال ۱۳۲۹ پنجشنبه ۲۹ ایلول ۱۳۲۷

عدد : ۱۶۴

میدان قلماز ، هرکس دینم و دینم دیر یورور . مالی جانی هر شینسی فدا ایدر . اوزمان بزم اهل ایمانک کافهسی « من کل حرب ینسلون » هر طرفه هجوم ایدر ، وظیفه سنی ایفا ایدر .

اوزمان اوروپا لیلرکده باشلرینه قیامت لر قریار ، اوزمان عموم اهل اسلام بحق بر حیات اولدولرینی ، یالکیز دین مبین اسلامک علوبته اعتماد ایله صبر و تحمل ایتمک لرینی تمامیه کوستره جکلردر .
ومن الله التوفیق .

عبدالرشید ابراهیم

وحدت وجود

۸

زبدة الحقائقدن نقل ایتمکیز یوقاریکی پارچه نیک برنجی جمله سی اولان « وجود بر در » جمله سی حقنده برایکی سوز سویلیلم . هر کسک معلوم میدرکه مفهوم واحد مشترک اولسی اعتباریه مفهوم وجودک تصوری کی دکل بدیه در . زیرا هر کس حتی کسب شانیدن اولیان جو چقلرله دلیلر بیاه کندی وارلق لرینی وانک ضمننده اشیا سائرته نیک وارلقی بیلر لر .

انسانک کندی وجودی بدیهی التصور اولنجه انک بر جزوی دیمک اولان وجود مطلقکده بدیهی التصور اولسی لازم کلیر . اگر مفهوم وجودک تصوری کسی اولایدی همه حال بر دلیل احتیاج مس ایدر ، او دلیلکده کسی اولامسی ضروری اولور ایدی . چونکه کسی اولسی فرض ایدیه جک اولورسه دلیلک کندیسیده محتاج اثبات اولور ، بوده تسلسلی انتاج ایدر . تسلسل ایسه باطلدر ، شو حالده بدیهی التصور اولان بر دلیلده توقف ضروریدر . لکن توقف ایدیه جک او دلیلک کندیسیده مفهوم وجود داخلنده اولق لازم کله جکندن عینیه مدلول یعنی وجود اولمش اولور . مفهوم وجودک دلیل ایله اثباتی ممکن اولدینفی شو مقدمه دن اکلاشیلیر .

مفهوم وجود ، ذهنده حاصل اولان مفهوماتک کافه سندن مقدمدر . زیرا او مفهوم تحقق ایتدن مفهومات سائرته نیک تحقیقنه امکان عقلی یوقدر ، شو حاله نظراً مفهوم کلی وجود دیکر مفهومات کلیه نیک اعمی دیمک اولور . کلیت تراید ایتدکجه بساطتده او نسبتده تراید ایدر ، تراید ایده ایدر ارق هیچ تعریف ایدیه میه جک درجه یه کلیر . مفهوم وجود کافه کلیاتی محیط بر کلی بسیط اولدینندن تعریفی ممکن دکدر . وجودک تعریفنه قیام ایدنلرک نفسلرند کوردکلری جرات مفهوم وجودک بداهتیه او بداهت حقنده کی جزملرینک قوتندن ایلری کلیر . حالبوکه انسان وجودک تعریفنه یلته نتیجه اقتحامی غیر قابل بر مشکک قارشیننده قالیر .

فرانسوزجه بر ائریده تعریف وجود حقنده شو سوزلری گورمش ایدم : « وجودک نه اولدینفی سؤال ایدن بر آدمه : سن وارمیشک

بوکون یالکیز عثمانلیرک دکل ، عموم اهل اسلامک کوزلری آچقدر . بوندن سوکره نه اولاجقنه درت کوز ایله باقهرق کال ثبات و ثبات ایله تعقیب ایده جکلردر .

بوندن بویله مسئله کوندن کونه جدیت کسب ایتدکجه وخامت و تهلکه سی دخی او نسبتده تظاهر ایده جکلر . بوکون روسیه دولتی عسکرینو طوپلادقندن ماعدا ، مهمات حربیه نامیه یازلمش ، هرکسک خاص ملکی اولان حیواناتی دخی طوپلامه قرار و پر مشدر .

قفقاس طاغلرند و تفلیس ولایتلرند تعلیمات عسکریه و مانورالر کال کرمله دوام ایتدکده در .

یالکیز روسیه دکل بالقان حکومتلری ودول مظلومه دخی غایت کیملی اولق صورتیه تدارکات حربیه ده دوام ایتدکده لر ایکن ، بونلری نه قدر کتم ایتسه لر بیله ، اناری میدانده در . بوکون آوروپا مدنیتی دولتلر بیننده صلح مسلحی تأمین ایتدکده ایسه ده شرقد کوزتمکده اولدولری منافعلری نتیجه سی اوله رقیینه برکون کله جکلرکه :

یالکیز محاربه اقتصادی دکل طرف تفک و مترالیوزلرده توکنده کدن سوکره قلع خنجره وارنجه استعمال ایدرک سیل العرم یرنده قان درباری اقمق صورتیه وحشتلره میدان آچه جکلردر .

بوکون اوروپا لیلر مدنیّت و انسانیت برده سی التنده اجرا ایتدکده اولدولری وحشتلری بزه یوتدیرمقده ایسه رده ، یارین کندیلرینه یوتدیرمه یه جکلردر . ذاتاً اوروپانک هر طرفنده فتنه لر توالی ایتدکده ، بوسنه روسیه نیک ۱۸ ولایتند قحط کلی اولدینفی کی تجارتی ده سکتدار اولمشدر . نتیجه ده اضطرار عمومی حکم نرما اوله جکلردر .

بزشمدی یالکیز احوال حاضره یی اطرافلیجه مطالعه ایدرک کال بصیرتله ملا حظه ایدوبده کندی وظیفه منری ونه یاپه بیله جکمنی نظر اعتباره آلاحق اولورسه ق بزه وعموماً عثمانلیره ایکی نوع وظیفه ترتب ایدر :

بری شیمدیک حالده ، مسئله توسع ایتیموب یالکیز ایتالیا ایله دولت علیه بیننده دوام ایتدکجه کال مناتله مقاومت ایدرک حقوق عثمانیه نیک تمامیه محافظه سنه غیرت ، وایتالیای طرفدن تکلیف اولنه حق شرائطدن هیچ برنی قبول ایتیموب ثبات ، وایتالیانلر ایله معاملاتی تمامیه قطع ایدرک ایتالیا مؤسسائی و تکمیل ایتالیانلری مملکتندن اخراج ایدوب حکومت سنیه نیک اتخاذ ایده جکی تدابیر ایله اوامرینه منتظر اولمقدر . بوضورتله آیلر سنه لر کچسون صبر و تحمل ایدرز ، یالکیز ایتالیا خصمیز اولسون آوروپا مداخله ایتسون .

دیگری ایسه : مسئله بالاخره بالقانلرده سرایت ایدرده اطرافلرده بولنان کندی فینولرمن عوعویه باشلایه جق اولورسه ، آرق هیچ وقت قاجر مایوب بر طرفدن ملت سلاحه صاریلمه لی ، دیکر طرفنده علمامن کال جدیت ایله ولایات و ملحقاته طاغیه رق اعتصام بحبل الله واعلاء کلمه الله ایچون تشویق وترغیب ایدرک بتون اهل اسلامی ناموس دائره سنده اولومه دعوت ایتملی ، هرؤمن وهر عثمانلی وطن اوغورنده وارینی فدا ایتملی .

آرق ایش اورایه وار دینی کی اوغل قز ، پدر والد و دوشونجه لرینه ده

سأردن خبر ویربور . قائلک تردینه کلنجه انک بوترددی حقیقت ذاتیه سنک نبوتنه دکل او حقیقتک اوزرینه ترتب ایتدیره جکی حکمه عاندر قائل ویره جکی ، کلمه ایستدیی قدر تردد ایتسون حتی ایسترسه بر حکم منفی بیله ویرسون هیچ تأثیری یوقدر . چونکه کنديسندن صادر اولان « بن » لفظی انی الزام ایتک ایستین کیمسه ایچون « آرشمید » ک ارادینی استناد نقطه سندن دها قویدر .

او الله ایدلکدن صکره اوتسی قولایلاشیر . مادامکه بن لفظنک قائل اولفظی تلفظ و بو تلفظیه انک مدلولنه بوجه ماشمورینی اعتراف ایدیور . انک اوزرینه ترتب ایتدیره جکی حکم ایستر مثبت ایستر منفی اولسون تأثیرده مساویر . فقط بو قید یالکیز وجود بحثه منحصردر . مباحث سائرده مسئله نك شكلی دکشیر . زیرا وجود بحثده بزه لازم اولان یالکیز بن لفظنه مضاف بر حکمک وجودی اولوب او حکمک ذاتنده کی نفی و اثبات دکلدر . حکم منفی ده اولسه انی ایلشیدیره جک مثبت بریر ایستر . او مثبت یرده متکلمک نفسیدر . چونکه ذاتاً ارانیلان بر امر وجودی ایدی « بن » لفظی انی تأمین ایدیور . انک اوزرینه ترتب ایتدیره جک حکم مثبت ایسه مطلوب ثابت اولور . منفی ایسه سفسطه در ، چونکه نفی اثباته تقدم ایدمز . وجود بیلمینجه عدم بیلمنز وجود حقیقه بر حکم منفی ویره بیلمک ایچون او حکمی ویرمندن اول بهمه حال وجودی بیلمک ، وجودک نبوتنه قائل اولمق لازم کلیر .

قائل موجودییم معدومییم انی ده بیلم دیه شک وادیسنه صاباجق اولورسه بو سوزی بتون بتون مردوددر . چونکه انک بو سوزی ، ذهنده وجود وعدم کی ایکی مفهوم متغایرک نبوتنه دلالت ایدر . ذهنده ثابت اولان بو ایکی مفهوم متغایردن البته وجودک نبوتی عدمک نبوتندن مقدمدر . وجود اوزرینه ترتب ایتدیره جکی ایکی حکمدن برینی اختیارده توقی « انک ذهنده نبوت وجوده مانع دکلدر .

یوقاریده دیدیکمز کی حتی بن موضوعنک اوزرینه بر حکم منفی بیله ترتب ایتدیره ش اولسه بو حکم منفی ، بر حکم مثبت قدر حائر قوندر .

فرید

مسئله دهمین

مسلمانلغه ، مسلمانلرک حاله بر نظر

مابعد :

ایشته امت اسلامیة نك حالی ! ایلك مسلمانلر آره سنده کی وحدتی تارمار ایدرک امتی سائر مانلرده اولدینی کی دین ایله دنیایی دین ایله دنیا آدملرینی بربرندن آیرمق کریوه سینه دوشورن بر طاقم حادثه لرک ظهوردن صوکره بواکی فرقه نك هبرری دیکرینه قارشی یان

یوقمیسک ؟ دیهه صورملی ، وارم دیهه جک اولورسه وارم دیدیکک زمان بو سوزکله نه دیمک ایستدیککی بیلیمورمیسک دیه تکرار سوال ایتلی ا کر کنديسندن جواب تصدیق الینیر ایسه دیمک که سن وجودک نه اولدینی بیلیمورسک ، شو حالده بیلیدیکک بر شیتی نیچون صوریورسک دیمکی . حقیقه بو سوزک طوغری بک مسکت بر جوابدر . لکن انسانک کرک کندی وجودی ، کرک وجودات سائرینی بیلیمسی « بوجه ما » اولوب وجودک کنهی اعتباریه دکلدر . کنه وجودی اللهندن بشقه کیمسه بیلمز . ذات وجوده قدر کیمکه نه حاجت ؟ موجوده بیله بو اشکال باقیدر . مثلاً التونک اوصاف واعراضی انک معادن سائرده « تمیزینی استلزام ایدر ، نظر مزده هویتی تحقق ایتدیرر . فقط بر سائل التونک کنهی نظر اعتباره الوبده : بو اوصاف واعراض ایله معادن سائرده تمیز و هویت ذاتیه سیله تعین ایدن التونک کنديسی نه در ؟ دیه سوال ایدر جک اولورسه انک بو سواله قولای قولای جواب ویریلمز . بونک جوابی « التون التوندر » سوزندن عبارت قالیر ؛ فقط بو سوز سائلی اسکات ایچون جواب کافی اوله ماز . واقعا بر شیتک حقیقتی او شیتک عینی اولسی اعتباریه او شیتی بیلیمک انک حقیقتی بیلیمک بیکدر . چونکه بر شیتک حقیقتی مابه الشی هو هو » دیه تعریف اولیور .

فقط مبحث وجودده اصل مسئله بو تعریفده کی « هو » لرک ایکنجیسندن یعنی او شیتی او شی ایدن حقیقه در . اندن اغماض عین ایدیلوبده تعریفده کی « هول » هو هو سینه ؛ عینی عیننه قبول ایدیلیرسه حقایق اشیا نك بیلیمسی امرنده کی اشکال اصلا مندفع و او شیتک بیلیمه سیله انک حقیقتی بیلیمش اولماز .

بر شیتک حقیقتی او شیتک کنديسی ، کنديسی ده او شیتک حقیقتدر دیمک ، او شی او شیدر دیمه نك عینی اولوب هیچ بر معنای زائد افاده ایتمز و « شی » کندی نفسیه تعریف ایدلش اولور . (فقط بو قیود صرف مبحث وجوده نظر آدر) حتی اهل حقک « حقائق الاشياء ثابتة » سوزی بو فکر منزی مؤیددر . انلر بو سوزله الاشياء ثابتة معنایی مراد ایدرلر . بونی سوفسطائیهدن بشقه کیمسه انکار ایدمز انحق او حقائق ثابتنه کنه نه لحوق علمه کلنجه اوراده جوق کیمسه سوفسطائی اولور . بو ایلریده بو بحثک تفصیله کیریشیله چکندن بوراده بوندن زیاده سويلیمه جکیز . مفهوم وجود حقیقه بحث سابق اکال ایدلم . کنديسینه سن واریمیسک یوقمیسک دیه صوریلان یوقاریکی آدم مغالطه وادیسنه صایریده بن وجود نه دیمک اولدینی بیلیمورم موجودییم معدومییم انی ده بیلیمورم . دیه جک اولورسه او آدم بو انکاری یاخود شک و تردیده برابر هم کندی وجودی همده انک ضمننده علی الاطلاق وجودی بیلیدیککی اعتراف ایتش اولور .

زیرا کوریلیرکه متکلم اولا کنديسینجه بر امر مثبت دیمک اولسی ضروری اولان کندی وجودندن انک ضمننده وجودات